

SCRIPTA

Numéro Scripta : 4187

Auteur(s) : Louis IX, France (roi)

Bénéficiaire(s) : Gautier de Vernon [sergent royal]

Genre d'acte : charte

Authenticité : non suspect

Datation : 1259, février

Lieu d'émission : Paris

Action juridique : autre

Langue du texte : latin

Analyse

Louis [IX], roi de France, donne à fief ferme tout ce qu'il possédait à Vilers in Deesilva à Gautier de Vernon, sergent du roi.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Harde (MSAN ; 16, 2e série, 6, p. 160-390), 1852, n° 1204, p. 331-332.

Texte établi d'après a

In nomine sancte et individue Trinitatis, amen. Ludovicus, Dei gratia, Francorum rex. Notum facimus universis, tam presentibus quam futuris, quod nos dedimus et concessimus in perpetuum Galtero de Vernone, servienti nostro, pro terra quam ei dederamus, et pro triginta libris parisiensium ab ipso et heredibus suis nobis et heredibus nostris annuatim, videlicet in Ascensione Domini decem libris, in festo Omnium Sanctorum decem libris, et in Candelosa aliis decem libris, reddendis, quicquid habebamus in villa que vocatur Vilers in Deesilva, retentis nobis jure patronatus parochialis ecclesie, homagiis francorum feodorum, releviis eorundem, gardis eorum qui infra etatem fuerint, prout est consuetum, forefactoris, alta justicia et emendis que summam quinque solidorum excedent. Retinemus eciam homines dicte ville, ut ad molendina nostra veniant in futurum, excepto predicto Galtero et ejus heredibus, qui ibunt ad quecumque voluerint molendina ; retentis eciam nobis nemoribus, ita quod capiatur in eis dumtaxat usuagium furni ubi est consuetum. Quod ut perpetue stabilitatis robur obtineat, presentem paginam sigilli nostri auctoritate ac regii nominis karactere inferius annotato fecimus communiri. Actum Parisius anno Dominice Incarnationis M° CC° quinquagesimo octavo, mense februario, regni vero nostri anno tricesimo tercio, astantibus in palatio nostro quorum nomina supposita sunt et signa : dapifero nullo ; signum Johannis buticularii ; signum Alfonsi camerarii ; signum Egidii constabularii. Data vacante(place du monogramme) cancellaria.